

甌

甄

洞

續

稿

蘇穎洞續稿詩部卷之一

武昌 吳國倫 著

馮夢禎 校

樂府 五首

咄咄吟五首

有金休買合歡瓜  
有地寧種無情草  
似得無情兩不  
疑勝他歡極翻成惱

其二

昨日高堂展歡宴  
今日玄黃色已變  
少年心口毒於  
虺含沙射人人不見

其三

何物可使錢刀買世情  
翻覆殊堪駭自恨年來誤信  
人金石易磷膠漆解

其四

秦宮假父魏假子至今遺臭污青史  
莫道陰謀鬼不知泉下有人心未死

其五

道旁荆棘刺人多陸地胡然生白波  
不信鄉生能賣友眼中無奈鄉生何

四言古詩

一十三首

述夢中作四首有序

六月晦夕夢張使君爲里人劉生借四物於予曰風雲雷雨予慨然許之因各書四言詩一章其後書旣又自更定數字吟咏數過而後覺遂得強記錄出俟後徵云 是歲郡生舉省試者四人而劉生列名最前

風

大虛噫氣衆籟成聲石鸞起舞銅烏戟鳴

雲

擘若凝脂藹其膚含吞吐三光推移四嶽

雷

風車轟轟天鼓彭彭  
霹靂生甲拆百里震驚

雨

星有好雨月離于畢  
經宵我畦復潤我室

題閔子哀親冊

大鄣陰陰幽流瀾瀾  
有懷二人陟岵陟屺  
奄棄諸孤歲逝如駛  
冢梓旣材泉扃孰啓  
修靈焉依恭嘗弗旨  
綿綿永思孝哉閔子

士兒赴南雍賦四詩送之

江漢湯湯蕪葭葭  
一葦云邁影何涼涼  
坐勿垂堂

遊必有方誠言在耳行矣無忘

其二

子行何依眷眷庭闈憂長景短涕不勝揮母爲斷機  
婦爲授衣棄繻以出乘傳而歸

其三

煌煌辟雍峩峩故宮濟濟多士如鎬如鄴多士攸同  
相厥可崇匪師則友敬乃有終

其四

肅爾巾履趨將槐市聽講橋門觀光伊始言卽其旅  
僮僕是倚陶君有言此亦人子

示工兒八首

爾父多愆嗜酒好離爾其戒之毋荒毋虐

其二

爾父多癡苦吟過思爾其察之寧拙寧遲

其三

爾父多言能無失口爾其慎之毋自貽咎

其四

爾父多憂匪貧匪賤爾其思之毋喪厥善

其五

爾父所恃五屬一本爾其體之百行無損

其六

爾父所急鐵人隻儒爾其廣之勿謂予迂

其十

爾父所珍信義名檢爾其式之毋爲俗染

其八

爾父所耻因人成事爾其信之益勵初志

五言古

次黃州江上行甫載酒見訪

和風振春服品物回青陽  
偃仰懷我友泛泛凌汪洋  
夤緣日垂暝維舟擷芬芳  
津門一以邁踟躕同塞裳



聽子陽春曲飲子瀛寰晝夜永不知倦攜手窺天閭  
耿子平生心皓首毋相忘

張羽王爲我作北園賦成志感

棄置恬無營逡巡學爲圃種樹時嘉蔬足不踰環堵  
曠與一世遠抱書游太古偶逢故所親移官適我土  
狂駕展殷勤幽衷細宣吐與至揮柔翰連篇何覩縷  
英英澈芳潤纒纏錯文組餘樂恣游鱗高風振翔羽  
飛藻被林樾流光亘庭廡殊才擬宏構一一班揚榘  
遂令木石居燦比珠玉府感君執高義不惜心匠苦  
春日借諸兄等子姪湖上踏青小飲

出郭春事殷郊墟蕩晴旭散步偕所親連翩振初服  
雜花成錦茵豐草如雲綠藉草坐花間行杯遞相屬  
頗無禮法攻彌覺恩義篤浮雲過我前視之不盈掬  
遙隔隔溪濁炊煙起林麓悠哉風舞雪匪也泛河曲

撫松臺

長松挺層阜鬱鬱鬱將千尋登臺撫其幹悠然宅青林  
微風自南來謾謾弦鳴琴石室吐纖霧白日彌陰森  
飛睇徹穹昊冥然測高深盤桓以終老安用餐黃金

青桂亭

夙志在丘壑遺榮以逍遙恥從澤畔吟遂就淮南招

結亭而業綠青青小山腰一水鑑明月千花隱飛橋  
涼風八九月蓮院芳香飄歲寒不改柯衆卉忽以凋

觀觀洞

北海有壺嶼其狀如甌甌神漢踰醪醴土氣和且夷  
居人無衰老過者忘歸期我欲適此國引望迷所之  
誰從萬里外倏爾爲我移宛置水中央屹若海市奇  
盤礴不盈畝群峰凜參差由來地可縮鞭石奚以爲  
策杖躋飛梁行行懼復疑綠磴旣詰屈穿堦忽低垂  
下有三石室空冥儼天闕因之展雲卧遂與茲穴宜  
渴飲清露漿飢餌丹霞芝習靜觀元化於世日以遺

綠雲塢

綠竹長如雲，娘娟我池畔。雖無千畝封，競擢九疑幹。  
霜籜委瀾漪，煙梢入霄漢。紅泉漱其根，白石互璀璨。  
濃蔭交廣除，餘清澆書案。安得嵇阮流，與之恣泮渙。

香雪林

玄枵謝冬令，初日蒼雪麗。老樹忽作花，林梢澹如沐。  
皤皤三白委，寒輝蕩人目。豈葉苑花靈，釀此增城馥。  
石沼涵清虛，茅堂溟水玉。况乃先群芳，陽春啓幽谷。  
落蓋浮瓊屐，遠遊賞心足。

石鮮亭

說說同賣高

六六之一

六

一石支我亭于松覆其頂灑簾蒼雪深拂牖翠雲冥  
苔蘚上幽砌侵丁煮茶鼎白日杳未窺坐久衣裳冷  
呼醪起自編待月成醅酌無妨世人老此清涼境

佚我堂

城居意不適出郭開山堂門俯滄浪湖軒臨獅子岡  
紫桂爲我棟文楠爲我梁蘭蘅充四壁薜荔周垣墻  
奚取佚我名逍遙自家莊因之息塵想掩關恣相羊  
既謝纓冕束遂遠冥羅張端居偕木石委順偕陰陽  
鄭汝志少叅携其弟汝守載酒送予至排市同  
宿舟中既別憶之得二十韻志感

汗漫遊名山誰其西道主谷口鄭子真招邀入松塢  
高館陳樽罍中厨索脩脯歡來鮮僖觴狂至突起舞  
累日酣未休微衷互宣吐沈湎不自勝倉皇走河許  
呼舟暮言旋幸避滄浪父何當愛客深携壺出前浦  
石瀨響磷磷應彼空山雨乘燭發餘興中流徹簫鼓  
白眼向世人揚眉權今古虛聲誤麒麟群口妬鸚鵡  
所以鹿門耕終焉遠城府同病君相憐非徒薄絰組  
繫纜依水村願與漁樵伍勸酬益以殷寧知夜垂午  
枕藉蓬牕中夢寐在玄圃凌晨鷄首分咫尺爲異土  
亭亭溪上雲翩翩雲間羽相望忽以迷恍焉激心腑

贈傅神者黃生燕奇友人朱貞吉

客從南州來遺我故人劄  
砥筆坐我旁欲售長康法  
顧茲丘壑癯力不振三之汝  
手雖工妙安能起衰頰  
殷高夢已遠誰其肖蠟鍾于  
孟魁麟圖虛名浪相壓  
四大非我有百年在眉睫  
何當冒丹青留爲兒女狎  
神龍蟄九陰韶光交舞甲  
寄謝我故人有酒但歡洽

春日寄懷向葵神二首

青陽啓令節二曜潛移移韶景  
回東郊百草趨歲終  
惜哉龍鍾骨壯盛無重期  
端居忽不憚野望令心悲  
遊鱗躍通波黃鳥鳴高枝  
感此春事和悅焉懷所私

人適室不遐延竚何綏綏願言追風歡佳賞勿踰時  
其二

向平悟損益處顯貴不如婚嫁有餘晷五嶽皆其廬  
子非達者齋與世何遠濼豈爲往下史英聲振天衢  
一掛神武冠悠哉抱清度偁和一以諧金石矢不渝  
何哉續紛子工言玷璠璣於志但有適得喪非所虞  
勉當奮寥廓翱翔與子俱

石屋

舍車造雲關關險不容足望望天路遙巖間石如屋  
努力窮攀躋隆隆草蓋簇攬衣息其中撫景縱遐矚



層巒排烟霧  
峯巖竅  
爲伏懸泉  
酒爲乳  
瓢飲恣所欲  
何哉鹿豕  
祥乃託神仙  
躅

息亭

結茅蔭幽篁  
垂蘿鬢雲日  
隔水拚雲峰  
時有烟嵐出  
覽茲倦行迹  
徵吟抱吾邴  
庶幾避世人  
可以葆天質

匏居

選地不盈掌  
割我葭竹餘  
經營鮮長力  
敢厭蓬蒿居  
虛曠納飛螻  
白盤憑清渠  
會心無遠邇  
入表皆吾廬

自然卷

木香故凡卉  
素華凝璀璨  
檠柯葉相纏  
綿清陰結不散

袖梢架飛甍垂條張翠幔息影巢其中無勞美輪奐  
浣芳池

鑿沼瀦山泉連漪漾庭蕪曲若半規月光若五紋組  
童子種朱魚鱗鬣奮相鼓石梁偃其上芳樹匝其蔚  
臨流景益妍宜霽亦宜雨豈獨暢行遊泠泠鑿心腑

九曲欄

小欄縈樹間水行何濇漉疏鑿難爲工雲膚石爲骨  
豈伊一綫流可比黃河曲屣履躡平橋澄心聽鳴瀑  
客至欣浮觴跳躑窮曠旭因知習氏池不逮子真谷  
從家兄散步園亭示兩兒

幽居擅一壑衆卉紛含姿時情日以澹真性日以怡  
暮齒從我兄少武相違隨行行水石間况乃偕吾兒  
大兒供几杖小兒供盤匱花前逋爲壽愉悅安可支  
感此惜流景常恐隙駟馳貧賤豈足恤所願悖天彝  
展親企前修餘慶良若斯恩義結不解須臾當萬期

與行甫談藝三首

寶甕呈帝瑞金簡開王符荆昭霸萍實倚相師墳丘  
邈哉瀟熊子屈宋儻其徒歌辨有餘哀鬱鬱千古圖  
修文故楚產可黨良不孤巨池瀉江漢中天峙衡巫  
子其策上駟奮與先民驅高舉浮世外矯步升桃都

俯觀海日出乃在雞鳴初勿以述者苦而謂作者復

其二

韶景不我駐江河滋渺瀰抗志還大雅夙昔與子期  
流觀古遺編巧拙常相師拙爲巧者質巧爲拙者姿  
澄心會冥理應手稱神奇照蟬但明火承蜩若附枝  
千金享一牘斐然文在茲

其三

天行自有會文物盛以時虞帝膺玉環鳳凰乃來儀  
姬公負袞袞白雉貢西陲今茲邁熙運四靈集如期  
王子通六藝吐氣凌雲馳璠與世所珍待賈何遲遲

川岳含精英，流光耀丹臺。念當葆初質，於世常若遺。

初夏園居懷行南

涓涓林葉齊，翠雲含禽鳴。氣候清以和，嘉卉揚芬英。  
逍遙水石間，無復世網嬰。俄然感離索，眷眷懷友生。  
佳會難可常，悠悠隔江汀。閉戶絃清曲，三歎誰爲聽。  
欲往無輕舟，延佇浮雲停。何當惠前綬，與之濯清泠。

俞羨長卜居陽羨題贈二詩

吳郡盛賢豪，頽俗趨綺靡。翩翩游冶郎，波蕩日未已。  
之子獨沈冥，蚤悟太玄理。幡然厭紛囂，偃仰思遐徙。  
負釜挈妻孥，去之陽羨里。問子何所欲，辟地有深旨。

風氣朴且夷况乃佳山水  
買山結吾廬臨流洗吾耳  
雖索故所安清曲但自理  
何異楚庚桑塊焉居畏壘

其二

言游適江左遂爲江左師  
龐德徃鹿門遂爲鹿門者  
地每待人顯人固不易知  
豈必戀故土區區暱其私  
念子乘孤尚行止從所怡  
不假詹尹卜飄然荆水湄  
塵澆日以遠去故新亦宜  
種茶亦種秫聊爲八口資  
銅官與玉女日夕相追隨  
著書泉石間俟命其奚疑

食新作

老作田家翁辛歲難可料  
零雨膏夏疇訢然起荷蓀

新穀漸可升，舉室皆色笑。持以報先農，熟之薦家廟。  
羹糝炙伏雞，借我老與少。匪黍馨欲浮，如珠燦相照。  
雖無鼎食腴，錢色已堪瘳。加飡及良辰，鼓腹鬯清嘯。  
盱希比屋登，敢覲不租詔。

烏沙江阻風

西風鼓奔湍，東駛一何急。艤哉挽舟人，帆檣忽如繫。  
豈不思奮飛，羈坐徒悒悒。况乃東南天，五月苦蒸濕。  
逝之深灣間，聊以縱呼吸。無眠奈爾何，夜蟲紛熠熠。  
重登太和絕頂

向平悟損益，五穀顧乃醜。虛放志遐舉，逍遙陟崑丘。

我生髮漸短，胡爲老菟裘。矯茲太和峯，邇在江漢陬。  
紫氣排天閭，峩峩俯神州。宮闕萬餘仞，靈光闕六幽。  
豈愛千里勞，負此方外遊。重携九節杖，直造仙人樓。  
四顧何蕩蕩，烟霏倏焉收。焚蘭降元君，雲輶爲我留。  
授我無上秘，將與元化侷。良當絕世緣，從之遍十洲。

太和峰示兒無傷

玄嶽參高天，盤薄千餘里。真氣結萬靈，群峰羅其趾。  
携兒遠攀躋，天路何迤邐。邈縣梯造無極層，崖迫相抵。  
文石詭難名，琪樹森旖旎。空煙盪吾胸，泉籟洗吾耳。  
振鳥凌其顛，規中不盈咫。燁燁黃金宮，赫赫虛皇止。



因之覽八荒八荒一何邇閔茲世間人營營目未已  
惟有霞外士高視徹元始登泰小天下其致亦爾爾

西園六詠

有引

不佞國倫再遊玄嶽過襄襄王招宴于西園  
中和堂已又移席過所謂懋德齋含光亭木  
石居收春臺萬花塢凡六處地不甚廣而景  
多幽奇王因授簡使國倫各詠一詩遂援筆  
應教得六首云

中和堂

天地猶橐籥大道涵中和  
托以王繕初性俛仰無偏頗

考古修三雍平情登雅歌乃築延賢宮飛軒鬱嵯峨  
蘭堂空以葯綺疏盼巖柯輦路平如底翠憶時來過  
錦席賓群彥有酒旨且多卑禮乞昌言歡心受切磋  
明德日以鬯譽命齊山河 皇仁覃惇睦手詔重褒  
嘉通親願已諧爲善樂如何

懋德齋

皇胤自天啓睿質渾璠璣分茅建赤社維屏翊黃輿  
內美不自賢養盛心逾虛異玩非所珍弋獵豈其娛  
弗試吳都劍弗寶梁乘珠褪躬本仁孝折節親文儒  
惜此分寸銘心藉盤盂厥德以時敏儼此神聖居

流風被江漢庶幾二南餘

含光亭

山以韞玉輝澤以藏珠媚無華美在中有止人文貴  
若虛復若愚猶龍豈無意所貴含精光符此名亭義  
登亭摩衆芳環堵結蒼翠朱英粲以繁水石贊幽邃  
朝瞰麗陽遠夕陽朗耀次會心寧在遠幻形此堪寄  
優游保天真諸福皆可致

木石居

昔者有虞氏玄德方在躬託迹野人居偶與木石同  
主君悟斯旨秉節彌謙恭茅土豈不尊所思在聖功

靜觀萬古始退管半畝宮礎柯成層丘天喬鬱蒼葱  
五嶽良可移巨靈若爲工境寂神易安澹然霞外蹤  
掩彼大小山陋此雌雄風獨往日成趣八極咸吾容  
聞善沛江河豈必諮崆峒

收春臺

條風應青陽韶景日駘蕩衆卉紛向榮時禽競流響  
小苑叢幽芳松關絕塵鞅中有帝子臺迴出煙霄上  
朱華擁丹蹕飛觀一何敞登臨協泰和夷猶寓心賞  
三峴邇可招漢水迴沆漭春歸方寸間天宇同高廣  
詞臣賦雲夢待子進犧象匪以恣般遊因之觸遐想

浮雲西北馳縹緲見仙掌

萬花塢

蘭坂誇魏賓竹園走梁客玩物鬯情素匪也矜色澤  
宛洛美場師移花藝王宅王心澹無營意與花俱適  
繁榮覆瓊欄飛英點文石林浮五色雲亭下九苞翮  
曉慢沾露華宵筵散月魄儼入芙蓉城天香在兩腋  
倚醉酌花神百慮悠然釋

寄荅程巨源茂才

有引

巨源故辰州公汝揚子也汝揚舉進士時與  
予處京師厚善後各懷蹠仕外曠不相聞者

三十餘年而汝揚下世久矣每一追憶輒南  
向而悲頃得巨源問書及見贈二詩與所爲  
白雉賦讀之惟有兼才駸駸作者因倚牘而  
嗟曰茲吾先友貽穀哉汝揚庶幾不死矣因  
荅一詩用寄私愴

昔子客京華投分汝揚甫接席良所欣櫻龜悵殊土  
岐路一以乖音塵渺焉阻相望豈不殷其人已爲古  
耿耿山陽悲無因歷胸腑幸哉有佳兒蚤歲稱繡虎  
翔翔述作林偃仰圖書府短札脩世交申章爛璣組  
函來白雉篇誰其修鸚鵡知挾千古心纍纍向余吐

宛執牀下儀寧與伯孫伍聊以忘吾年登壇藉君輔  
將軍飲李中丞幕府道故二首

驅車黎子關曳履元戎府元戎欣我來別館置樽俎  
童子趨執象伶人迭搥鼓三爵未及終避席陳覲縷  
會短別苦長談深夜垂午刁斗寂無聞旌門月華吐  
促膝追舊歡眷眷剖心腑况乃欽名言須臾遡千古  
破我平生疑不知蹈且舞

其二

憶予竄炎海群醜紛蝟毛豈不殫餘力四境殊繹騷  
夫子從天來萬室瞻前茅言從百夫長道左行負囊

下車執予手數語成親交矢茲共濟心厲士士益豪  
無假赤白囊非按龍虎韜一舉澄妖氛所至喧歌鏡  
功成不自德駕言守臣勞年深事已往感子猶鬱陶

再贈中丞二首

南山有豫章挺節何嶽嶽清蔭交廣衢膚澤儼丹渥  
巨榦專明堂傍枝亦椽桷帝居壯且完寧辭斧斤剝  
赫赫李中丞淵淵起家學二甫非其儔天民此先覺  
著書闡微言頗欲返淳朴經營周四方相將造帷幄

其二

我思古先民一出爲世輔大業垂至今錄哉文且武



所以弔伐師望之若時雨詩書豈陳言敬義凜遺規  
自子蓮中朝巍然稱底柱衆言不足淆萬敵恥爲伍  
所志操聖脩一德遇 冲主爰宣股肱力天威鬯蠻  
部南溟靖不波六詔迄寧宇當宁嘉遠猷廼授元戎  
斧據險扼三秦坐制梁與楚諸夷款交臂折衝但樽  
俎豈其鐘鼎勲猶復選前古伯氏商元聖叔氏周尚  
父

泊蘄州顧子承子良借董友仲携具見訪

三秋跛子望一水涉各天茲晨起行遊言采江之荃  
這我故所親皓首彌相憐執手欣良晤中意款復宣

焚蘭酌美酒世味業已捐興至樂且歌匪也恣流連  
願以太古心與子相周旋

顧靖甫携其門人程仲孺過訪與飲北園同賦

江雨浩冥冥一葦長風送繫我滄浪濱叩我甌甄洞  
况乃故所知居然來二仲村膠邇可呼盤蔬亦可共  
臨汎從攸適嘉卉一何衆林亭欵鬱紆雲石擬飛動  
飲興豪相待歡悰逸難控平湖月千頃散步恣吟弄

秋日携具訪趙汝脩山莊同賦

白露下楓林金甌何獵獵殘暑未盡除山行汗猶浹  
緬行故所私那能憚遙涉烹魚配濁醪携之但相饒

唐詩注卷之六  
二十一  
停筇叩烟扉躡履欣容接莞爾呼蒼頭旋掃中庭葉  
鹿豕穿頰垣苔蘚上書篋列籍深樹間頰與幽悵愜  
緩酌聆清言爽氣生眉睫颯然涼雨來頰襟淨如泥  
半酣輟呼虛與發不可擬抵掌陳古今雅調晚逾協  
良當各自珍勉竟千秋業

吉祥草生花示兩兒詩

九月霜露寒群卉已黃落簪前吉祥草吐花何灼灼  
嘉名故殊常華姿令人愕言從西國來品入神農藥  
豈其攘天工霞彩幻相錯斗室絢奇觀淑景儼回薄  
客言瑞有徵兒意聊有託一物具靈根叢英挺如拓

子其竭汝才高步勿中卻遇合良有時寧能老丘壑

贈傳神者涂文衡

以下戊子歲

異哉洪都生手持百像譜兩目炯懸珠揮毫如運斧  
抗異圖公侯餘力貌商賈拂練有生氣妙致在阿堵  
頗來墨人稱不惜心匠苦寫我煙霞姿居然遊太古  
角巾高切雲索帶華於組雅有寥廓思微束不盡吐  
機息身漸輕相將適玄圃長當鹿豕群豈必麒麟伍  
五嶽潛真形四大爲其輔何如心相空閭閻宅靈府

三月三日同惟烈家宴詩

姑洗應時和勾芒吐華豔玄鳥鳴相求歆茲友于念

仁風蕩前軒春衣何襜襜實豆鮮柔嘉羹蔬自堪饜  
襪飲豈不娛吾意馳豪賸言諸少長歡永矢無陵僭  
嗤伊秉蘭人被除安所驗虛流洛下觴孰捧水心劍  
辯哉束先生罔救斯言玷

久雨歎

春陽九十日見日未一旬陰靄結不散淫雨如連輪  
朝朝復暮暮萬室憂沉淪仰天疑天漏戶外成通津  
二麥委泥淖原野荒荆藁斗米市百錢况乃無束薪  
炊烟漸稀少哭聲喧四鄰夜起視河漢黯黯滋酸辛  
何當挽羲馭晴光照無垠

陳玉叔左伯考績贈一首

髮龜領章貢矯矯百吏曾  
明堂會玉帛侯服開屏藩  
旬宣鮮遺猷德載齊厚坤  
陳詩表王風雅道彌以敦  
英聲動四國舉翼凌天門  
元后獎嘉績下詔宣馳  
恩三世被華袞執玉猶溫  
元

敦甫惟烈二情偶過北園程仲濟後至酒間作  
萬事了不關一丘自堪占  
心然狎禽魚偶復弄鉛槧  
有客衝泥來臨池觀灑澹  
示物會其心攀躋殊未厭  
洞口雙鶴鳴樽前百花艷  
以之諧笑歌况乃遠聲闕

須臾山雨零歸途恐而望一醉且高眠乾坤一噫欠  
舟赴嘉魚訪大司馬公先以二詩報之

中呂肇朱明端居忽不樂以爲思所親矯首視寥廓  
爰涉千里江峯擘風波惡心若鞭青龍爽若跨黃鶴  
望望魚嶽山亭亭浪中躍日道皓首歡庶踐平生約

其二

挽舟上高江江險近不疑日念素交人垂老傷別離  
別離二十載顏色各已移覆馭不我停豈有千歲期  
况與世途遠往復從所私短言在今夕爲樂安可支

兩過鄂渚不遇張

九賦此寄懷

理檝翹大川乘風疾如羽  
剡凌二回波暮汎六溪浦  
往來江漢間未逢江漢主  
眷眷有所思脉脉不能吐  
山烟迷鳳皇洲草怨鸚鵡  
豈無傾盖人結束良自苦  
累日繫漁汀鳧鷗與爲伍  
何哉金玉姿曠歲難復覩  
洲尚定宗侯見贈

楚邸半朱門君家猶白屋  
荒齋繁古藤僻逕引疎竹  
豈乏金紫榮所志在幽獨  
漢法明三宗堯仁先九族  
矧伊國耆老循循守常祿  
社客綜微言兒孫奉貽穀  
何當下里人寵以詩盈牘  
披牘懷斯賢清風殊穆穆  
門人黃以仁還自京師有感賦贈



黃生本負奇遭時何迫抱書不知貧自薦苦無策  
抗言冒群疑束手予戟總爲宵人嗤頗聞達者惜  
豈其風力微滯此凌霄翻躡屩遊京華遂作公卿客  
誤償同舍金終反連城壁悟茲倚伏機信若潮與汐  
馬爲知己良勿復傷躄踏努力戒前征天路平如席  
富口舟中與御史大夫在倫耿公道故有感二

首

憶與君子別乃在燕市南飲餞出蕭寺驄馬何驂驪  
徘徊共禪榻夜起恣冥探啓予遵道周微言破空談  
迷途忽以醒携手樂且湛奄忽三十載短髮垂鬢髮

匪無尺素通相望疇能堪今茲有天幸垂老猶蓋簪  
光景足自愛時命良所諳君當策皇夔予當學彭聃  
其二

言念素交人高義薄今古枉駕有前期胡不須臾睹  
揚帆赤壁磯報棹黃龍浦晤言良所忻微衷難罄吐  
皇天振斯文斯人挺荆土諸賢集如雲鏘鏘叩鐘鼓  
所居鄭公鄉所至爲鄒魯矯茲名世勲居然周夾輔  
獨愧丘中癯無聞終朽腐因之感長別當搏涕如雨  
送王行甫遊廬山

鼓柁下潯陽匡廬在天表鬱鬱千芙蓉相將縱飛眺

尋僧躡虛無訪古  
窮渴飲天池漿頗復勝仙醪  
振衣九疊屏行歌萬樹杪十郡環其麓江湖亦何眇  
寤寐我舊遊抗身凌縹緲因子動遐思奮欲駕天矯  
何當與子俱謝此塵氛翺寄言五老人長夜幾時曉

蓮華菴新鑄觀音菩薩像成敬賦一詩讚之

我聞觀世音幻化彌大千秉靈妙莊後受法如來前  
地以三摩入音從四諦宣佛身隨境現慈力超世延  
五蘊資解脫六道成因緣念彼無量佛往生極樂天  
安居娑婆土細道自菩薩泉願言窺大乘何當惠冥詮  
範茲黃金像涂白香水淵海潮聲忽應補陀巖已遷

所乘六牙象化爲千葉蓮十方齊頂禮群動歸寂然  
雲團紫芝蓋香飄綠桂烟覺迷本同性生滅非二圓  
日月朗內照乾坤迴迴旋但空菩提心無空亦無禪

夢遊金山作

昔予陟金山金山何縈縈照耀江之心倒插龍宮裏  
參天底柱孤赴海波濤駛攀緣出空翠趺坐觀元始  
妙境難可忘重遊興未已夢中命駕來所見復爾爾  
一軟中冷泉可當上池水伊誰縮地脉千里不盈趾

贈僧如中

暫來非有因暫去豈言別幻即空中花光懸峰頂雪

誰觀誰妄真無念無生滅相爾須菩提不在廣長舌  
胡載道將歸東吳過我言別愴然賦贈二首

自予返故山山間徑初闢有客涉江來欸語成莫逆  
稍聞麴蘖香歡然坐終夕明月方在天高歌振金石  
頗無人世營獨有詞家癖片言當其衷引滿逾自懌  
懸琴覓知音豈必有時昔過從十載餘一水通咫尺  
爲結高陽徒鮮復形骸隔何哉思東歸棄我若遺迹

其二

昔者東南夷飛艘蔽三吳八血漂海水赤白骨遮道塗  
念子家不造仰天長哀呼負老復携幼踉蹌匿菰蘆

間行何所適寄跡荆南隅匪不懷故土奄忽歲月逾  
駸駸三十年引領腸欲枯楚粟豈不甘非我江東糲  
楚魚豈不美非我江東鱸楚歌豈不雅非我江東飲  
物固有本性老至思粉榆所志在首丘依人匪其愉  
况乃貧且病安得無嗟吁含意別所親安得無嗟吁  
含意別所親執手臨前衢念當成永訣涕下沾衣襦  
川陵日已阻形影日以孤斗酒不成歡浮雲爲踟蹰

爲懋成王孫題握蘭社

有引

懋成方英妙年聞詩於尊人遂有志大雅開  
社延賢授蘭倡和庶幾有平臺鄴下之風予

偶過其尊人中冷館酒間請名其社名之曰  
握蘭因系以詩云

峩峩楚蘭臺叢蘭有遺芳公子墓前修結社臺之陽  
含英藉九畹流彩輝五潢求友廣麗澤藝死姿翱翔  
參差發高唱矢飲諾官商南皮豈足豔蓬池亦何狂  
欣茲同心言宛握王者香勗哉賈餘勇毋忝屈宋鄉  
長樂源道中

我聞長樂壑關自唐貞觀夙昔阻犀嶺欲往憚巔峿  
晨起騁遊目振舄儼振翰峽幽界一線路險踰七盤  
曠焉開沃野阡陌夷且寬行行躡飛橋風竹何珊珊

泉源漱西谷百里懸清湍灌溉千餘頃引棹如弄丸  
美利方芍陂飲啄從所歡鷄犬村相聞樂國欣久安  
胡爲有中變生齒日以寒十室九易主察眉見憂端  
膏壤棄不耕併日無再餐土風非其故物力寢見殘  
豈其困蠶食轉徙滋辛酸頹波難可挽徒爾興長歎

胡伯良以詩言別悵然和之

有引

伯良吳人從其父載道徙居楚者三十年與  
故河內太守朱子得結社稱詩相友善會子  
得福世伯良痛失所依遂有歸吳之興愴焉  
叙別詞旨遂哀予因憐而屬和云



瞻彼雙冥鴻，雲際連。一舉諸聲徹，高空唳。下寒渚，  
狂飈起，何疾中路失。其侶顧影中，自傷哀哀不能語。  
念子抱微悰，艱哉四羈旅。結歡未終竟，睨世寡容與。  
所思在東吳，那能老荆楚。歲宴涉江來，別我詩盈楮。  
萍途雨雪淫，臨發復延佇。無衣蘭可紉，無糧石堪煮。  
其如萬里心，出門悵脩阻。

朱斯和太學見過北園酒間賦贈

朝發白羊河，暮投下雉浦。豈予能識奇，念子足奇古。  
除榻高松林，移尊修竹塢。溪頭雲亂流，洞口鶴雙舞。  
舉酒發高唱，登臺縱遐視。交情敝金石，文心薄齊魯。

一日歡無涯，千秋氣欲吐。居然宗伯風，寧與世儒伍。  
寄懷張助甫二首

居諸意不愜，怳焉思所親。顧望渺川陸，曠歲乖音塵。  
豈惜千里駕，欲往嗟無因。自非金與石，疇能駐羲輪。  
况我同袍友，強半趨沉淪。逝者日以遠，來者難爲鄰。  
匪也和彌寡，識曲誰其真。感此情內鏢，涕下沾衣巾。

又

別子齊安城，問子平輿里。挾轡馳中原，飛影疾如駛。  
高步良所欽，清言亦何旨。岐路俄相乖，悠悠隔淮涘。  
倉皇解軍符，慷慨託蓬累。豈其四嶽推，不勝一言毀。

可知亡馬翁禍福旋相倚大業期千秋河清安足俟  
玉兔秋香圖爲朱子上茂才題

玉衡孕明視搗藥清虛宮言依百藥長天香發華叢  
弦輪浩推移靈曜開穹窿疇能振飛鳥桂父白兔公

秋暑簡應時

湖上秋漸深城中暑彌毒據牀愁鬱蒸奮臂傷局促  
幸無車馬來免就衣冠束何當萬竹間與子坐冰玉

龍鏡洞續稿詩部卷之一終

甌甌洞續稿詩部卷之二

武昌 吳國倫 著

樵李 馮夢禎 校

五言古詩 四十四首

人日省先大夫墓有感 以下庚寅歲

澤國春未深空山雨新沐浮烟作餘寒松風何謾謾  
幾日青陽輝相濟回萬木傷哉泉下靈一往無時復  
歲序日以逾荒冢託林麓飲恨垂終天夙夜警樵牧  
言携雉子來藉草鷺魚菽悼往增鬱紆悲來轉局趣  
况乃不肖軀行年六十六人壽能幾何猶然保陵谷

哭灌高宗正先生二首

飄風起沙海白日忽以陰古臺摧爲陸修苑何泯泯  
五夜瞻東維奇隨變隳沉傷哉周宗老疾疾胡見侵  
生爲侯王師歿宅中松林豈以同姓憂遂折千載心  
獻世總長夜重泉未爲深悟彼藏舟理一丘齊古今  
其如後死何哀來難獨任

其二

便便五經筒燦若經玉府博洽中壘流牢騷左徒伍  
王國儒者宗宣文剡明主自投綰紵交清言發心  
腑豈獨遠世氛同聲追太古岐路一以携容輝夢相

概何乃冥數迫遽掩中州土落篋搜遺編猶然曜靈  
吐感舊思彌深浪浪涕如雨

哭貞吉宗侯二首

白得病中書已多身後語三尸將柰何  
八石不成煮神方敵丹青交情存縞紵  
招招南浦魂脉脉去何許

其二

南州命駕來千里不盈咫洗耳聆太音  
持盃悟玄理如何金石心倏忽委泥滓  
灑淚聞江鴻哀哀暮未已  
歲旱禾稿齋中蘭花獨芳感而成詩

大火鑠金石仰天何荒荒百卉殺已盡  
千人起徬徨

而我齋中蘭胡然獨幽芳含暉散書帙餘馥沾衣裳  
微颺灑然來一室清且涼豈其挺異姿子爾凌驕陽  
母乃抱甕人勺水資灑灑滋培良已勤九畹澤未央  
同臭者爲誰雜佩聊相將

山行書所見

城居苦躑躅凌晨涉南谿瞻彼谿上原荒草何棲迷  
道逢村中叟鳥面扶青藜自言老且死但識鋤與犁  
相傳二百載豐歉差不齊何知遘今厄妖禳化爲鴉  
南谿干天行累月無雲霓四望皆赤土孰辨陌與畦  
炊烟日以少兒女村村啼餘喘在漏刻無力奔東西

但願寬恤詔須臾下金閨

秋日莊居

仕宦苦不達言念歸來好學耕南山田妻孥儻相保  
豈知十年來荐值旱與潦今茲賊彌驕所至條枯槁  
鑿山山不泉掘地地無草百口方嗷嗷何以有宿飽  
宵聞野哭聲憂心忽如擣伊誰恤灾祥俛仰叩穹昊  
讀蔡伯華所編五經翼喜而有贈

太始渾無名苞籥振中古儀象開犧皇刪叙挺尼父  
壞壁有藏書周禮故在魯傳心託微言徵信亘千古  
末師哆顛門其徒膠訓詁折角與解頤虛聲無足數



美哉中郎齋抗志絕其武玄覽窺鴻濛旁稽徹寰宇  
爰采諸遺編詮爲五經輔識緯質不華儼奏伊耆鼓  
紀年屬裨官逸書寧小補騷兼風雅陳二戴亦珪組  
作述裨聖功詎惜匠心苦鏗爾弦枯桐曠若聞大鹵  
一世儒者宗非直起聳聳自幸丘中癯晚觀圖書府

十七日齋前對雪無酌偶成

以下庚寅歲

齋前五日雪春意何冥冥梁苑賦未成袁安卧初醒  
抱書坐寂寥鈎簾入光炯已封庭樹枝更沒小山頂  
簷端玉筍垂石外冰花挺撫景彌清寒看天自高迥  
曩空換酒金案拭煮茶鼎取意良足娛何須真醅酌

爲徐應時文學題愛日齋

孺子吾黨彥英齒振家漢風翩翩南溟霜蹄躡靈島  
所志浩無垠祿仕一何早眷眷我庭闈依依幸相保  
白駒不少停分陰重如寶就養思及時安能擇腴好  
青糴藉微溫三釜聊宿飽上堂學弄雛庶幾以忘老  
愉婉日以敦稱觴介壽考微哉曾閔心難與時人道

慈航救苦頌有引

慈航救苦州人德張大夫而編也大夫舊守  
吾州有惠政後遷武昌郡丞且六七年會州  
人不造爲虐政所毒請于兩臺使得大夫來

撫而字之始復有更生之望而有是編夫人  
情有所苦則呼天疾痛則呼父母嗟乎是編  
蓋闕闕大呼也大夫賢乎哉編名用佛家語  
予亦得借佛家語頌之

我聞觀世音能救眾生苦苦海方揚波妖氛濁寰宇  
水怪恣吞噬颶風助飛蠱沉淪在須臾誰復恃檣舫  
念彼觀音力慈悲捷桴鼓徐靈八寶光遂息陽疾怒  
陽疾波神載以度世航安用射潮弩駸駸涉安流彼岸西  
方土作茲無量福功德亦何普

送徐生東歸

客從海門來面帶海潮色叫我空谷中一顧如舊識  
氣欲凌風雲詩能吐胸臆豈不思奮飛惜哉少羽翼  
擔簦遠行遊舉足犯荆棘簪子老無家生計日以嗇  
亦知憐汝才無能振幽塞况乃歲不登所至人相食  
土鋤薦藜羹聊以延餘息誰其好事者解囊捐赤仄  
倉皇買歸舟乘時理生殖但學灌園人何慙食其力

贈永壽僧了誰

禮佛登山逢僧在天表燈分慧火懸香結慈雲遶  
悟法空萬緣安禪淨諸翳悠悠度世心誰了誰不了

聞趙叟談玄因贈

飄飄霞外蹤綠髮含兒齒手持玉如意叩我重巖裏  
謂我有僊緣授之長生理懷中雲笈書一一先天旨  
大藥玄牝生大道虛無始功成九九還玄珠升赤水  
相將羽翼齊天路亦伊邇豈其函關令能傳柱下史  
匪也俟河清坐見陵谷徙我欲從之遊乾坤期不毀

贈道友鄭元樞

白面烟霞姿萬事無何有棄家訪至人寧辭四方走  
讀易悟聖真靈明若天牖道德與陰符津津不容口  
還丹良有徵冲舉豈無偶九鼎功且成元化在其手  
三顧何慙慙爲結方外友且贈遠遊篇一醉長生酒

暇日視木工爲予治棺

蜀嶺多文杉長標挺如矢誰其操斧斤爲予忽致此  
風霜不知年出峽數千里蟠根七尺餘堅凝湊膚理  
爰傾賣賦錢購之藏嶢嶢裁爲周身棺豈必梗與梓  
我生垂七十流光疾如駛晨露本易晞河清諒難俟  
將辭逆旅人營彼南山趾達觀等彭殤知生勿諱死  
安見長夜宮不及華屋美况乃天地間有形必有毀  
詎伊三寸郭終能免螻蟻羸葬雖不經聊以警餘侈  
骨肉反於真哲哉延陵子

答吳茂文見懷

卷之二  
挽舟上滄浦佳會良有期胡爲阻中路只咫尺天之涯  
秋風動江介浮雲近如馳空山感搖落寤寐我所思  
豈無尺素通亦有離佩遺寂寞松桂間斗酒誰爲怡  
嘹嘹孤征鴈顧影中自疑引領見江月奮翼來何遲  
友人李綿州携南皮酒二大樽見餉因邀黃汝  
明及其子愚菴思貞與孫以道呂惟烈同過歡  
飲即時成詩

客從瀛海來遣我別樽酒啓甕未及嘗馨香已盈口  
旋呼高陽徒解衣坐培塿老少各忘年大嚼不論斗  
瓦乃新涼生爽氣薄吾庸盤中鮮奇珍但烹葵與韭

倩以兩紅妝調絃出織手天閨茂苑花綽約章臺柳  
曲罷含餘情捧觴逶爲壽城頭日漸低不覺流連久  
但醉且復眠萬事吾何有

送髮僧趙用拙東歸

趙生鸞鶴姿東海儒家子少耽方外遊儵然脫塵滓  
擲掄一世間伎倆非所恃因參不二門蚤悟無生旨  
自性了自明西天亦伊邇粒芥藏須彌五嶽在其趾  
持齋坐蒲團但飲功德水江上秋風生揚帆忽東指  
爲念高堂人歸心疾如駛可知慈悲法何嘗棄倫理  
屏處山齋黃思素曹子且曰呂惟烈晚過偕工兒



就花石間小飲卽事

猥予半畝宮差與人境隔愛此秋氣清開軒理圖籍  
短牆纔及肩中豎幾卷石峰勢競參天無煩巨靈擘  
宛遊縣圃間忘其在咫尺日莫峇氣氛巖巒互相射  
美人眷來過幽賞與俱適移坐莓苔松菊皆莫逆  
呼兒進濁醪留權駐駒隙飲不興益新肯厭觴行迫  
掌上恣奇觀乾坤但遺迹醉而枕肱眠誰能傷跼蹐  
積雨壞垣詩以自遣

霖霖苦不休棟宇皆滲漉漉灌此十尺墻碎然夜傾覆  
響若蜀山崩疑已翻地軸老大起徬徨稚子驚且哭

曠缺通比隣窺我懸磬屋簷蕭瓦礫場人豕互馳逐  
無能補漏天虛自勤版築露寢寒不支猶幸免溝瀆  
故人周象賢之子思永歲杪自襄陽來以家難  
告急予力不能振之聊賦此爲贈

山中歲欲除之子遠相叩江漢遠且深况乃風雪驟  
間關千里餘揮手亦奇遘煢然抱餘哀令人益思舊  
豈不讀父書懷才苦未售家難日以嬰倉皇慮傾覆  
含辛當告誰寄命但刻漏與言不及終泣下盈襟袖  
世無楚優孟疇爲叔救後努力遵修途萬里當輻輳

贈王君實

以下辛卯歲

搖搖木蘭舟來往名山川所不欣有託梁翰生雲煙  
但希識者賞恥受時人憐途窵齒齟復邁嗜遊益以堅  
行吟入空谷中意款自宣微飲以不及醉謔咲自便便  
一顧宛素交安知匪夙緣贈以鳩首杖期之共延年

郭太史美命過訪賦贈

空山口陰雨閉閣有所思淫潦泐決中路軒車來何奇  
欲吐平生心已結三年期土餽薦鮭菜佐酒申吾私  
三爵不及歡感舊生餘悲敢以霜下草託彼瓊樹枝  
聲氣偶相應金石良不疑携手忽言邁躑躅江之湄

與美命論文再贈

阿閣巢鳳鳥文明鬯休嘉流聲應韶律象德希重華  
英英石渠彥符彩揚朝霞高響振雲表衆耳紛淫哇  
幸哉託梓里竊比蓬與麻言脩二左業擬造三閭家  
停觴討今昔一唱三嘆嗟其如馬齒老無能週八遐

贈何无咎

永嘉故名區山水擅炎服鴈蕩龍湫間佳氣盎焉伏  
千載鍾斯人神情凜清淑抗志游古初屈首潛汗竹  
孤響發天竅餘音振林谷所性良不移疇能斲其樸  
回睨王謝流遺言何錄錄豈伊太乙光徒爾照天祿  
登崑山同吳叔嘉俞本之王太古暨士兒同賦

弭棹婁水曲振衣陟崑岡玉峰起天表雲石將翱翔  
坐俯萬家邑睇盡三吳疆江海接衣袂灑氣鬱以蒼  
言詢二陸居蕪沒山之傍慧師逝已久尚有浮屠光  
遠見姑蘇臺委爲芻牧場懷賢不我卽弔古天茫茫  
何如挈美酒峰頭送斜陽

登雲烟閣訪郭次甫因從案頭得閱徐子與所  
贈五游篇悲不忍讀愴焉成詩

聞君五嶽遊寄迹迴寥廓晚騎黃鶴歸小築半山閣  
坐卧雲烟中清心啓奇鑰我來繫浮槎爲踐平生約  
携手臨大觀因之感疏鑿長江萬餘里赴海曾一勺

古今何須更文章亦糟粕安見方外人能遺不死藥  
且引樽中醪憑高與斟酌閒緡几上書忽覩徐郎作  
徐郎骨已陳楮墨新如昨豈其神氣存五游良有託  
掩卷增歔歔親交寢零落生死俱冥冥胡爲苦燠灼  
凌大司馬汝成追送予至寒山寺言別

蜿蜿闔閭城莪莪尚書宅言從請老歸縣輿謝賓客  
跼然聞我來披衣起相索呼兒引輕舫倉皇載酒炙  
望望越楓橋行行次蘭澤爰及古寒山握手世如隔  
睽離三十年一顧各衰白中意那可陳時情滋局踖  
飲餞曾須更江路忽以夕老別當奈何歸思苦中迫

後會渺難期去住只遺迹

題吳康虞趺坐小像

烏巾易章甫紫衲披玄風儼爾丘壑臞貌者難爲工  
跌坐復憑几遽然落靈通四大本非有自性猶鴻蒙  
豈其如如旨乃在名相中出世不出世無空卽真空  
二曜懸阿堵朗朗千界同將乞西方土管茲極樂宮  
壽侯叟

客從夷門來結隱邗江口悠然抱古心日與魚鹽耦  
機事了不關雲霞若其有引睇秣陵山息影隋隄柳  
閱世漭浮沉于時厭奔走勿蓄萬樹桑勿蒔千畝韭

但坐長松陰白鶴呼爲友日夕酒半酣自擊牀頭缶  
賜杖非所希素封可常守兒孫造其前雅歌通爲壽  
安知絳縣翁不遠漆園叟

初至白鹿洞與諸生

改舊作

廬山五老峰縹緲在霞脊下有仙人巖含虛吐神液  
洞門苔已深白鹿但遺迹仙人眇何之陵谷倘遷易  
二三儒者徙靈源匠心闢誅茅構講堂選石布經席  
溪紛洙泗流嶺亦抗鳧嶧蹇予憔悴容睠此道然適  
南州士如雲從之叩今昔諧聲登雅歌洋洋振金石  
荅柯敬之言別



商飈激流火淫雨滋淫蒸客子懷往路中夜秋愁增  
凌晨別我去戀戀如不勝衆耳薄流水未俗趨鏤冰  
踉蹌欲何適遇合難可憑邛令倘相重何如歸茂陵  
莒公不見知且食海上菱誰持趙雙壁慷慨酬擔簦  
嘹嘹江上鴈高舉雲中騰豈無稻梁謀避彼繳與矰  
變名鴟夷子託跡雲水僧庶幾葆真性千載流聲稱

贈貢士周元德北上

短棹來何從叩門驚一面懷才不自媒末路始登薦  
相將釋儒衣奏賦明光殿且復停征驂花間展歡燕  
遇合勿言遲窮交欵相眷壯心殊未衰那能久貧賤

和程巨源遲予不至之作

之子秉高義遠念山澤癯絨書申初盟金石亮不渝  
命駕從所思乘春發天都津途豈不險坦若由康衢  
仰視雲中鴻俯睨波上鳧顧影各自憐儔侶更相呼  
飄飄適荆南眷眷滄浪隅涉我嘉樹園陽景恣踟躕  
園人走相應地主遊句吳千里失一覲誰其與爲徒  
徘徊水石間但與吾兒娛吾兒貧且賤何以共薪芻  
烹葵代珍錯酌水爲醴醑飲至歡亦洽抵掌相揶揄  
兒爲若楚歌客爲若吳趨雜以五方音巨源贈兒以  
方言歌故云  
跳躑鳴唾壺邈無爾汝形禮法安足拘文心忽以豪

唐垂... 欣然起操觚飛藻成錦林種種皆瑤瑜累日遲未休  
興與山陰殊惜哉此良晤夢想增鬱紆豈其願諧聲  
乃限天一區

病中視內病有感

宜拙囊屢空賴子賓相敬焦勞四十年爲我操家柄  
百口食相依舉室無慢令况乃提兒孫庶幾篤餘慶  
其如歲荐凶憂心時恹恹我老子漸衰忽忽有同病  
白駒日夜馳安得體常勁呻吟咫尺間氣短神欲進  
二豎宜未遷三蟲一何橫幾日絕水漿倉皇考醫政  
藥力苦不工呼天亦真此顛危強自持壽夭但安命

贈熊茂達茂才

昔汝鸞熊氏三爲王者師文治興西周流風及今茲  
辭命開二左離騷振湘纍維楚世有才典刑良在斯  
之子奮故都矯矯水玉姿漱流遡其源覽古操瓌奇  
佳名日以邕祖德無磷緇勉旃戒修塗結轍從所之  
七十誕辰有感謝客客不諒而異之因自述五

首見區區云

夙昔欽所生臨年慕未已餘生能幾何物極反其始  
仰天負劬勞虛延大馬齒所以屆茲辰含心

一作辛食

不旨

其二

荆樹無常榮，鴈行忽中斷。叔季兩相依，千金寶昏旦。  
寶一作保常如影隨形，猶恐有急難。餘齒日以頽，一顧一長歎。

其三

伉儷雖異姓，敵體長所親。何哉兩內子，逋爲泉下人。  
塊焉鰥且老，欲覲嗟無因。掩戶若羈旅，誰能不傷神。

其四

先朝盛詞才，作者六七子。聚散曾幾時，豪華成逝水。  
參差赴荒丘，而我猶後死。傷往復憂生，涕下不能止。

其五

少年忝登朝，垂老官未達。豈不策治安，苦為絳灌逼。  
歸來抱影居，杳不夢排闥。負此平生心，聊同轍鮒活。  
七言古

一 雨中酌載道短歌

昨夜登樓月滿城，朝來風雨萬室驚。庭樹垂枯驟沾  
溼，池流一決恣縱橫。病夫晏起抱書坐，殘暑如矢秋  
氣清。旋持斗酒酌狂客，狂客向人非世情。白首無家  
詩滿橐，漂泊願就詞林名。東望三吳西三楚，雙蹠不  
抵浮雲輕。尊臚是處足張翰，婚嫁何年休尚平。懷中

一刺久漫滅人間五教誰同盟當歌但醉勿言別手  
視瀟湘爲汝傾八月江濤蔽天日可堪搖落悲思生

贈王季問

有引

季問故爲上津令爲母棄官旋亦去家遊四方  
訪道適再見過出元美短歌示余因索贈

贈之

我從仙籙聞仙令有美王喬與葛洪葉縣飛鳧上霄  
漢勾漏丹砂燭並官媧來上津宰官現好道還追二  
令風中歲排衣從老母飯僧禮佛行陰功功行漸滿  
慕遊仙辭家五岳豪翩翩竹笠藤衫鳩首杖坐卧但

手黃庭編道逢異人授真訣五千文字都言釜玉氣  
焚焚升九鼎靈根茁茁榮三田千里重來與未已十  
日談玄傷雲水自言曾謁紫霞君謂我應從赤松子  
爲問崑丘路幾何金關貝闕不盈咫甌甌洞裡且高  
眠千秋夢幻須臾爾

故人吳文學國賢劉將軍應占自上雋冒大雨  
來見訪席間成短歌

狂飈日夜驅怒雷雨師失制江神哀坐見高陵欲變  
海蛟龍入市爭喧逐老夫屋破天更漏藥囊書几侵  
莓苔天畔孤蓬截巨浪飄颻二客從何來濕衣儼自



鮫宮出遠涉將無半  
滑回犯險衝泥興不淺  
行吟叩我鍾山隈  
入門但訝顛毛換  
失勢寧論羽翼摧  
一別須臾三十載  
存亡今昔悽中懷  
呼兒戴笠釣生鯉  
對客脫巾篋舊醜  
事且撝十日飲  
餘年肯避千人猜  
通家高義等金石  
愧我虛名藉艸萊  
醉起俄看德星聚  
明朝霽色因君開

夏日雨後張子元諸子邀泛太湖晚酌富川樓  
即事漫成長句

炎天積雨彌三旬  
白日乍吐湖光新  
浴鶴飛見何太劇  
雲峰霧磧開精神  
高陽之徒載醜醜  
出郭邀予騁

遊目一葉舟，凌萬頃波長天。倒浸玻璃綠，中流鼓吹  
驚魚龍。彷彿湘妃涉渚宮，楊柳千家殘照裏。菰蒲數  
艇野煙中。清鷗入坐，渾成秋。忽見水雲城上，浮捲幔  
揮觴。酌奇勝，總忘賓主。恣淹留，石堤遊女踏歌出長  
袖。輕裙飄豔質，曼聲疑喚木蘭橈。流盼已調文梓瑟。  
莫怪登樓飲興狂，百年寸晷聊相當。老夫但醉看明  
月。此夜山川倍鬱蒼。

登石門山醉歌

秋風蕭蕭吹石門，松菊宛是柴桑村。興發不知老將  
至，登高挾客借兒孫。蠟屐迂隨鷓鴣杖，新醪滿拍鴟

夷躡莽徑透迤入脩隴烟嵐合沓排天闢峰頂一舒  
千里目遙谿近蛟雲霧奔孤城萬室纔如斗鶴頂雞  
山僅覆墩江湖二水天際落吳楚烟光相吐吞微雨  
忽過子胥壘飛濤欲捲謝公墩可知真宰留片石千  
秋特藉老夫尊放歌莫厭杯行迫坐嘯偏驚林籟喧  
我欲憑虛御寥廓誰能吐氣凌崑崙樓閣須臾北海  
蜃扶搖咫尺南溟鷗人間萬事總泡影三辰列缺懸  
堪捫百年懷抱一時遣世外豈必無乾坤

九宮噴雪崖留題

蒼崖斗削靈源曲石竇飛泉射晴旭隔樹猶驚風雨

聲穿雲已濺，菱荷服寒花作雪，舞千秋散沫如珠，傾  
萬斛玉井由來瀉，華顛銀河倒自垂，煙麓一軟懸同  
鳥鼠漿，諸宮儼近匡廬，瀑須臾對此神爲清，便可尋  
仙超四澳。

舟中送呂惟師祠部還京短歌

三月三日風颺颺，野夫送客來江臯，樓船欲發津鼓  
奏，鷁首白浪如山高，握手邀君且今夕，沙頭繫纜呼  
濁醪，感君千里叩衡茅，知君不薄忘年交，白髮垂垂  
此長別，乾坤何許重相遭，深杯入手莫停飲，明朝往  
路懸旌旄，看君意氣何賢豪，慷慨時時攬佩刀，弭節

從容上霄漢含香更似神仙曹飛騰不忝真龍種文  
采誰誇古鳳毛努力乘時策鐘鼎君家尚父齊勳勞  
向蔡卿宅同惟烈醉歌

百里之約經歲年中車一日來何專入門四壁半圖  
史庭柯爛熳開芳筵兩弟逡巡起爲壽諸賓密坐心  
相憐由來古道在鄉邑何用新聲雜管絃月出東方  
大湖白雲橫匹塞長江懸爲歡豈待登臨遍入醉都  
將禮數捐漏鼓微傳水郭外明河漸落山樽前知君  
投轄意不淺潦倒拚同石榻眠

七夕行送俞羨長東歸

商飈初動清露微鴻鴈聯翩天際飛有客中夜思東  
歸起視纖月懸庭闈五湖鰕菜鮮且肥哀絃促柱不  
可揮朝來細雨零山扉輕舸已繫滄浪磯中堂置酒  
延夕暉諸賓密坐情依依桐陰漸瀝涼侵衣河漢隱  
隱生煙霏今夕何夕牛女期雙星欲合君欲離翠盤  
朱實森纍纍碧碗蘭漿霞彩披人間乞巧乞何爲老  
夫守拙拙不移千里多君能問奇兩月留歡瞬息睽  
長江明發天之涯那能回首憐東籬含情無語深增  
悲出門長歎知音稀河梁苦調和者誰西園落實思  
南皮還如機杼怨相遺鵲橋終古令人疑

蒼林嗣度江州見懷之作

有客吳門操野航江行千里帆飛揚乘潮已破二孤  
上犯雨俄停五老傍五老峰陰浮泱泱翻從逆境收  
奇賞徘徊幾日晴雲開盡日看雲杯在掌覆杯西望  
楚天碧南嶽去天不盈尺却憶深棲南嶽人便欲凌  
虛振雙鳥雙鳥飄飄七澤過朱陵赤館蒙煙蘿到來  
若問求仙事煮石吞霞奈爾何

舟送王唯吾出雲口再贈

老夫抱病棲山區謝客無營日閉門爲報仙郎萬里  
別倉皇鼓棹來江村江浪如山蔽天起孤帆飄飄欲

東指旋沽清酒市白魚盡日歡留興未已酣呼六采  
縱狂歌直道那能避轆軻劍在上方舌在口剛腸不  
折柰君何竝如五嶽撐霄漢吞吐風雲變昏旦總使  
川陵一日移扶輿真氣何曾判

初春過北園看梅花

東風乍解林塘凍不斷幽香隔橋送白梅吐盡紅梅  
開一時瓊玉迷山洞老眼看花感歲時短笛吹來不  
成弄強引春醪樹底斟依稀復作羅浮夢

送碧僧透遊

頂佛肩經氣殊猛行遊何處覓真境倘逢騎虎入松



門應悟弄獅空藥嶼講座香飄不見花法潭雲過無  
留影伽陀天竺方寸間歸向蒲團坐中省

阻風皖城登千佛塔

舟子揚帆指東海海風倒吹雲靄靄須臾還泊皖公  
城遂恐乾坤失真宰絕听陂陀造次登摩天古塔何  
峻嶒虛輪七級藏千佛側足盤旋到上乘俯瞰江淮  
分一線掌中吳楚環畿甸遙山點點矗青螺星斗垂  
垂玉光現玉光明滅總無時覺路迷方只自知便欲  
凌空超十界西方大聖莫須疑

聞茂承談郢中故人之難入信焉有感因贈

洶洶漢水漂山來竟陵白日奔游雷高浪忽吞尚書  
里陰氛不辨陽春臺憶昔尚書侍黃屋車騎如雲藉  
推轂須臾棄作不然矣急難誰爲濡手足一客踟躕  
奮布袍叩關無力長呼號緩頰難施長短說剖心聊  
見死生交燈前扼腕涕如瀉高義寧居古人下請看  
趙邱赭衣奴至今並舒稱長者

北園餞送楊伯武醉歌

楊郎遠叩甌甌洞窟然破我羲皇夢樂擬濠梁問惠  
施景勝竹間過二仲群花競浮波面杯百日屢罄牀  
頭甕白眼逢人解應牛彩毫何處曾題鳳囊書匣

唐垂...  
取言貧七尺能爲知，用舌存慷慨，苟無人耳熱談。  
諧轉驚衆六月征帆，曳火雲旋沽村酒，持相送葛巾。  
芒屨紫藤衫，意氣相看欲飛動，漫道遨遊一羽輕。  
蚤知然諾千金重，乘興重來，但有期松雲蘿石，猶堪共  
發舟遊。太和張使君携具追送歡飲，達旦而別。

醉中成短歌

皓首征夫苦好遊，嶽雲千里牽行舟。湖頭欲發驟風  
雨，有客携樽喚且留。太守東吳張伯子，詞才酒德兼  
稱美。秉燭呼盧夜未央，題詩贈別歡無已。怒濤瞥起  
魚龍驚，亂瀑遙摧山谷鳴。起視東方不肯白，千峰萬

樹皆合情樵鏡且盡井烟吐鼓柁乘流復還顧安得  
扶携躡太和磨崖處處同君賦

題沈啟南喜鵲圖贈貞吉

沈郎戲墨圖靈鷲獨立枯枝視寥廓豈自填橋河漢  
回猶防執彈彫陵躍可憐黑白大分明三匝能無月  
夜驚員嶠山中且棲息莫爲人間憂喜鳴

贈談數者未希明

占風之術懸河口沉象分明落其手祇須望氣測機  
祥何用投錢卜休咎不通名姓徑登堂自言遠謁旣  
甌叟把臂驚余是歲是官拙囊空年筭久賈誼虛憐

唐垂芳集卷之二  
季主卑揚雄竟識君平古麤豪頗似高陽徒一醉出  
門不回首

詠玉球花

小苑百花爭艷質春色不知誰第一叢球忽作淺淡  
妝紅紫當之都自失迥露團團簇水晶臨池片片飄  
萍實光浮石面雪不消氣鬱山心雲共密豈是三尼  
不夜珠化作千頭合歡橋巧如神手弄丸來皎若素  
娥飛鏡出攀折愁傷冰玉姿回看轉明烟霞疾惟應  
縞帶結同心含情故傷幽人室

詠石雲

萬里天風吹斷雲化爲一片滄溟碣今柯玉葉垂紛  
綸物質蒼稜草蓋結飛入山堂辨未真石耶雲耶忽  
明滅黛色疑封漢刻鱗沙痕似帶秦鞭血九疑何處  
望偏遙入伯堂年歌再闕卓地猶然欲卷舒滿堂觀  
者都驚絕豈隨神女出陽臺遂與神仙排絳節我欲  
騎之御八風逍遙直上虛皇闕

詠石松根

長松託根廬山麓飽盡風霜蟠地軸屈詰礚研不可  
名龍蛇競奮旋相伏凝脂已結千歲苓飛節曾供列  
仙服老幹蟠枝散作薪惟有枯根自攢簇良工掘土

三尺深石皆雲氣，其目鑿取疑開混沌竅。移來尚  
聞山鬼哭，齋前老石勝奇觀。何如古色還真樸，一雨  
朝來瀑亂飛。恢然又近康王谷。

觀方子謙奕茶贈之長歌

以下已丑歲

永嘉山水稱多奇，何物方生山水姿。手挽赤霞結作  
佩，龍湫散沫澆心脾。臨池小變三倉法，揮灑白練光  
陸離。忽復掀髯展長技，金盤玉局森相持。雙瞳虎視  
無全敵，方圓動靜天機隨。有時選鋒出挑戰，有時堅  
壁潛推移。批亢濤虛勢莫測，彈遠擊近途貼危。陳平  
六出難爲計，武侯七縱了不疑。采若鷹隼奮霄漢，怪

若蛟龍鬪海涯橫行似欲卷六合散略將相收四陸  
古塞長城莫言險分鴻遂鹿還如斯滿堂觀者舌半  
吐老夫驚絕呼瓊巖安得方生拜飛將提兵萬里揚  
旌麾片甲不歸塞盡洗永令南北無蠻夷

宿鳳凰寺夢在蘄州遇顧子敬立談醒而紀之  
谿頭棟宇垂荒涼卻是前朝舊法堂十尺豐碑剝未  
盡璇題尚映尼珠光偶來如赴龍華會山僧爲我除  
禪牀貪眠無意乞齋供入靜須臾聞妙香夢裡浮杯  
渡江去蘄春萬樹雲蒼蒼道逢友人顧子敬抗首欲  
言心自傷鬱鬱生平少知己窮途無力排天闕駭雞



之珠蟠螭玉萬籟  
華言激竒藏直將  
肝膽向君吐能  
無爲我鍼膏育  
詔罷又願轉憔悴  
我亦淚下沾衣裳  
勸君加餐善自葆  
屈伸倚伏旋相當  
遇合有期無蚤  
暮飯牛牧豕俱懣  
卿如君才美自神  
駿歷盡九坂還  
康莊分手依稀從  
賞路鐘聲忽動經  
聲揚起視林梢  
月漸墮一時形影  
都迷世豈應神清  
可縮地隔水交  
飛兩鳳凰

鄆州城中亦有鳳凰山故云

奉荅大司馬行之方公見懷短歌

五龍關頭雪正高  
西風一鴈來江臯  
尺素緘情越千里  
懷人歌發聲勞  
勞雒川魚嶽  
眇相望烟樹蒼人波

漾漾此時欲泛子猷船便應同策盧敖杖憶昔曾登  
郭隗臺與君弔古恣徘徊去歲重過司馬里三湘雲  
物供銜杯今昔須臾四十載河清百歲誰能待旂常  
鐘鼎亦虛名惟有同心言不改

正月十二日對雪

陸下歲暮感

東皇不作艷陽主獻歲以來日陰雨曉起看雲千里  
同侵人朔氣懸於冬庭階積雪忽盈尺銀鬢與之光  
相射梅花失色柳封條睥睨高天何沈瀟城中薪米  
埒珠玉道上飢人死相屬寂寞山堂生菜盤誰能對  
此復成歡

○○詠高麗紙簾寄謝呂儀部惟師

何來一匹楮云自高麗國明棻火齊鏡輦若文犀革  
樹膚藤角渾無痕鵠白鴉青都失色扶餘山氣迴空  
濛鴨綠波光成組織豈自殷箕風敘疇至今文物開  
殊域職貢遙馳樂浪王稱臣世頌天朝德匹楮應  
從鞮譯歸長安萬戶人稀識惟有五侯七貴家購之  
不惜高價得巧匠裁爲障戶簾雲日相輝塵埃息華  
堂歌舞夜不寒廣筵燈燭風難卽鉤控時驚翡翠鳴  
帶飄何假芙蓉飾深宮集羽非天然神屋編珠易傾  
仄美人遺此遠方珍萬里烟霜淨如拭素質疑逢姑

射姿低垂儼墮南冥翼。卷舒百折見交情。賓服四夷  
占帝力。卻愧貧居白板扉。緯蕭忽改令人惑。

送徐文學北上謁選

君從高士里來過。故人宅握手不爲歡。潛然感今昔  
舊筇惟存館閣書。窮途更抱天人策。歲華荏苒驚二  
毛。風力蕭條摧六翮。對酒難紓少壯心。擔簦復作燕  
趙客。誰縣郭隗千黃金。莫羨虞卿雙白壁。且操流水  
待知音。未必明珠終棄擲。貂敝仍稱季子裘。鳧飛擬  
振王喬舄。中朝宰輔重憐才。太學諸儒曾避席。可道  
風雲遇合遲。錦衣黃綬銜恩澤。

寄題玉叔天尺樓

三隱林間大夫宅

河有大隱  
小隱二林

爲樓去天不盈尺高棟

懸支萬象中層軒未穩六鼇脊開簾雪霽陽春臺俯  
檻沙寒雲夢澤爽氣無時促舉杯落霞似欲迎飛鳥  
清吟鸞鶴相追隨長嘯魚龍紛辟易那可登龍少老  
夫側身西望楚天碧

甌甑洞續藁詩部卷之二終